

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan																												
Vol. 43	Issue No. 21	Ramhlun North: Ni 24 May, 2025																										
 BRANCH THU THAR ■ Thilpek kan dawng: Agape Gospel Rhema Team te chuan, ‘Lunglen Hla Bu’ Lengkhawm hla bu min pe a, an chungah lawmthu kan sawi takzet a ni e. ■ Branch Zaipawl: YMA Day a Darlung Branch tlawhna turah YMA Zaipawl Member tura ruat chhuah zawng zawngte Ni 27.5.2025 (Thawhlejni) zan dar 7:00 ah Chawngbawla Rûnah hla zir tur a ni a, member zawng zawng ten ngai pawimawh a hla zir vek tur a ngen kan ni e. ■ Kar hmasa khan Darlung branch YMA hruiatute lo zin in, kan branch YMA hruiatute nen YMA Day hman dan tur an rel a, kan branch YMA hruiatute pawh Darlungah hian an lo zuk kal tawh bawk a ni.	MARYMA KAL TLANGIN PASS LAWM DAWN (HSLC LEH HSSLC PASS THAR TE PUALIN) Ramhlun North, the 24th May, 2025: Veng chhunga HSLC & HSSLC pass tharte lawmna hun hman thin hi kum 2002 atangin MARYMA hmalakna a bul tan a ni a, kumin hi a tum 23-na chiah a ni. Kuminah pawh hian Branch YMA Executive Committee meeting chuan Pass lawm hi MARYMA kutah a dah leh a, MARYMA hmalakna in ni 30.05.2025 (Zirtawpni) zan dar 7-ah Ramhlun Indoor Stadium-ah Pass tharte Lawmpuina hun kan hmang leh dawn a ni. <table><tr><td>Pass Lawmna tura Programme ruahman tlangpui chu -</td><td></td></tr><tr><td>A hun</td><td>: Ni 25.05.2018 (Zirtawpni) zan Dar 7:00</td></tr><tr><td>A hmun</td><td>: Ramhlun Indoor Stadium</td></tr><tr><td>Khuallian:</td><td>: Dr. Vanlalhlana, Education Minister</td></tr><tr><td>Welcome Speech</td><td>: Tv. Eddie Lalfakzuala, Editor, MARYMA</td></tr><tr><td>Hunserh</td><td>: Maj. Jerry Lalrozama, V-Sec.</td></tr><tr><td>Thusawi</td><td>: Pu Laldingliana Sailo, President, RN YMA</td></tr><tr><td>Interview</td><td>: Dr. Vanengmawia, Jt. Editor</td></tr><tr><td>Special Items</td><td>: 1. Pu Steward Lalrochama, V-Sec. 2. Pu Frederick Lalduhawma Pachuau, C-Sec.</td></tr><tr><td>Thusawi</td><td>: Dr. Vanlalhlana, Khuallian</td></tr><tr><td>Lawmpuina Certificate Sem:</td><td>: Jt. Editor te</td></tr><tr><td>Vote of Thanks</td><td>: Pu C. Lallianzuala, Manager, MARYMA</td></tr><tr><td>Compere</td><td>: Tv. Zorinsanga Sailo, V-Sec. leh Ni. Lalduhawmi Bowman, T-Sec.</td></tr></table> Vengchhunga Pawl- X & Pawl XII Pass thar zawng zawngte chu he hunah hian kim taka tel turin kan inhriattirin kan inngen a, Pass kan lawm theihna tur atana kan mi pawimawh, pass tharte nu leh paten he kan programme-ah hian min tawiawm turin kan insawm bawk a ni. He hunah hian zirlai hlawhtling thar te thawmhnaw pangngai tak inbela kal turin kan inngen bawk a ni. Tin, he hunah hian kan veng atanga mi hlawhtling thar Tv. Lalawmpuia leh Dr. Ellen Pachuau te hnenah lawmpuina hlan an ni dawn bawk a ni.		Pass Lawmna tura Programme ruahman tlangpui chu -		A hun	: Ni 25.05.2018 (Zirtawpni) zan Dar 7:00	A hmun	: Ramhlun Indoor Stadium	Khuallian:	: Dr. Vanlalhlana, Education Minister	Welcome Speech	: Tv. Eddie Lalfakzuala, Editor, MARYMA	Hunserh	: Maj. Jerry Lalrozama, V-Sec.	Thusawi	: Pu Laldingliana Sailo, President, RN YMA	Interview	: Dr. Vanengmawia, Jt. Editor	Special Items	: 1. Pu Steward Lalrochama, V-Sec. 2. Pu Frederick Lalduhawma Pachuau, C-Sec.	Thusawi	: Dr. Vanlalhlana, Khuallian	Lawmpuina Certificate Sem:	: Jt. Editor te	Vote of Thanks	: Pu C. Lallianzuala, Manager, MARYMA	Compere	: Tv. Zorinsanga Sailo, V-Sec. leh Ni. Lalduhawmi Bowman, T-Sec.
Pass Lawmna tura Programme ruahman tlangpui chu -																												
A hun	: Ni 25.05.2018 (Zirtawpni) zan Dar 7:00																											
A hmun	: Ramhlun Indoor Stadium																											
Khuallian:	: Dr. Vanlalhlana, Education Minister																											
Welcome Speech	: Tv. Eddie Lalfakzuala, Editor, MARYMA																											
Hunserh	: Maj. Jerry Lalrozama, V-Sec.																											
Thusawi	: Pu Laldingliana Sailo, President, RN YMA																											
Interview	: Dr. Vanengmawia, Jt. Editor																											
Special Items	: 1. Pu Steward Lalrochama, V-Sec. 2. Pu Frederick Lalduhawma Pachuau, C-Sec.																											
Thusawi	: Dr. Vanlalhlana, Khuallian																											
Lawmpuina Certificate Sem:	: Jt. Editor te																											
Vote of Thanks	: Pu C. Lallianzuala, Manager, MARYMA																											
Compere	: Tv. Zorinsanga Sailo, V-Sec. leh Ni. Lalduhawmi Bowman, T-Sec.																											
 SUB.COMT THU THAR Library Sub-Committee: NGO Library Day pualin Membership Drive an nei a, refreshment tur hi kan OB i/c Pu Joseph-a'n minrawn tumsaka kan lawm hle. Membership Drive cum Awareness hi May thla chhunga neih zawh hman ngei an tum. Kumpuan Sub-Committee: Nizan ni 23.05.2025 khan an committee a, Tin, naktuk 25.05.2025 (Pathianni) chhun Young Catholic Students inkhawmah Kumpuan Sub-Committee te chuan St.Thomas Church-ah hun an hmang dawn a, Pu Lalrochama, Chairman in hun a hmang ang. Property Sub-Committee: Tlangauna mic. kan bul hnai a mi tha lo leh chiang lo te a awm a ni chuan, YMA hruiatute bulah thlen thin ni se.	HEALTH CENTRE HAWN THAR A NI Tukin ni 24.05.2025 (Inrinni) zing dar 7:30 khan Ramhlun North Health Clinic thar chu Pi Lalrinpuui, Health Minister in a hawng. Health Minister hi Dr. Vanlalhlana, Bialtu MLA te, Dr. Lalhlunpuui, CMO Aizawl East te, Dr. Walter Lalnunluanga Sailo, Dy. CMO Aizawl East te, Dr. Lalnunpuui & Staff Urban Health & Wellness Centre, Ramhlun North ten anrawn tawiawm. Health Minister in Health Centre sak nan a a pek Rs. 2,90,000/- bakah Pi C. Lalchhandami Corporator chuan Property Tax Return atangin Rs 4,00,000 lai thawh belhin building tha leh changtlung tak sak a ni a. Pi Dantei chuan Aizawl khawpuiah hian Ramhlun North hi veng lian leh mipui tamna ber pawl a ni a. Tunhmain thahnem ngai taka an lo sual chhuah Urban Primary Health Centre (UPHC) chu veng dangah sawnsak an lo nih tak avangin rualawt taka an awm laiin Health Centre tha tak an neih leh theih nan a Health Minister in a bul tan nan a building sakna tur a pe chu lawmawm a tiin Health Minister chak tak zarah UPHC puitling tak an neih leh ngei a beisei thu a sawi a. Tin a ram neitu LC chungah pawh lawmthu a sawi nghal bawk. Dr. Vanlalhlana, bialtu MLA pawhin thu sawiin a chhung Ramhlun North-ah Health Clinic Thar hawn theih a ni hi Health Minister Health Minister chungah leh AMC Ward III Corporator hmalakna a ni tiin an chungah lawmthu a sawi a. A ni pawhin Bialtu MLA a nih angin Health Clinic tan a mamawh hrang hrang a ngaihtuahpui tur thu a sawi. Khuallian Pi Lalrinpuui chuan thusawiin Ramhlun North-ah Health Clinic thar hawn theih a nih chu Bialtu MLA leh Corporator thahnem ngaihna vang a nih thu a sawi a. Health Clinic mamawh hrang hrang bakah Staff thawktu tur ngaihtuah sak a tiam bawk tiin khawtlang mipui NGO leh LC te neitu chan changa lo theih tawp lo chhuahpui zel turin a fuih bawk. Hawwna inkhawm hi ah Rev. Dr. Vanlalnghaka Ralte in hunserh a hmang a. Tv. Zorinsanga Sailo in kalkhawmte zaiin a awi bawk. Function zawh hian Health Minister hian Urban Health Centre Pu K. Lalruata building a mi chu tlawh nghalin Health checkup a nei zui nghal a ni.																											
 SECTION THU THAR Khuangcher Section: Ni 23. 05.2025 (Zirtawpni) zan khan thlan laiin an hnattlang a, member 40 chuang an thawk chhuak a, thlan khur pahnih an lai. Hnatlanga thawk chhuak zawng zawng te chungah hruiatuten lawmthu an sawi a ni.																												



Mahni inkhawngaihna hi

Kan duh dan ni lo, kan thlan pawh ni miah lo, buaina, harsatna emaw natna leh manganna te'n min chim thin, chutiang hunah chuan mahni in khawngaih a, rilru hrehawm taka awm reng hi a awl viau mai.

Thil tha vak lo kan chungah a lo thlenga chutih nak alai a mahni in khawngaihna-a kan han lut chiah mai hi chu hrehawm hi a thua hnih in kan phur a, hringnun hi a chep ngawih ngawih tawh mai a ni.

Chutiang hun chu i chungah a lo thleng a nih chuan hei hi hre reng ang che.

Eng harsatna leh natna pawh i chungah thleng se, nangmah i in khawngaih viau avang khan i vai kiang dawn miah lo, vai kian a hnek in harsatna i in siam belh zawk a ni.

I dinhmun leh i thil tawn mek kha dawt chu ni lo mahse, nangmah i in khawngaih avang khan thil tha zawk a chhuah phah dawn hauh lo.

Chuti a nih si chuan i dinhmun, i chungah thleng mek, i ngaihtuah vak vak thin kha ban san tum rawh le. Eng nga ti bik nge tih rilru i putna kha i inkhawngaih bul tanna a ni a, kha rilru kha i chung thleng mekah chuan a tangkai lo hle a ni tih hre rawh.

Vanduai i intihna lai i chhui vak vak kha i damna kawng tur a ni lo, i rilru, i ngaihtuahna chu nangmah khawngaih vanga chhandamtu lamah dah tlat turin in buatsaih rawh le, i thei a ni..

Vanduai bik riaua i in hriatna kha i van ti duaitu chu a ni, i thil tawn chu eng pawh nise i rilru a luhkhung loh chuan hmalam i pan tihna a ni.

I thil tawn avangin i vanduai bik a ni lo a, chumi i lo dawn sawn dan a zir chuan i vanduaiin i vanduai lo thei, engtin maw? Chung thil te avanga mahni inkhawngaihna in bawih beh tir lova, chung lam i thil tlat chuan hnehna fawng i vuan mek tihna a ni.

Chutiang a lo nih chuan i harsatna chu kiang mai lo, mahse harsa chungin i buai lo anga, na chungin i dam ru tlat ang a, rethei chung hausakna thuruk i nei ang a, mangang chungin i hlim lawi ang a, hrehawmna ah pawh i lawm mai dawn a ni.

Nangmah i inkhawngaih theih nan, i thil tawn mek hmangin hmelma hian theih tawpa chhuah a nia, thurualpui duh suh, hlawkna a awm lo, thil hlawk lo kuah bet tlat duh khawpin at so miah suh, mahni in hremna mai a ni. Chuvang chuan, i rilru, i ngaihtuahna te kha thunun tlat la, pumpelh dan zawng zawk rawh.



SAZA TLÂNG PÛK - MÛ NGEK RAM

Saza tlâng hi Lunglei hmar lam 10 kms vela awm niin, tun hma chuan Bangla awmna hmun thin a ni. Amah erawh chu, Bangla nghaktu (Chowkidar) hi an awm rei ngai lo a, a chhan pawh 'Huai' a neih vang ni-a sawi a ni. A tlâng tlak lam hi kham deuh vek a ni a, chu lai velah chuan Saza an awm thin in, Zawng rual pawh an tam thin ni-a sawi a ni a, chungte chu an kap



fo thin in, tumah hian heng laia ramsate hi an kap hlum thei ngai lo ni-a sawi a ni. A chhan chu he kham khawi lai hmun emaw ah hian, eng emaw damdawi tha tak hi a awm niin an ngai a, ramsa kah hliamte pawh hi a ruang hmuh a ni ngai lo. Tun hma deuh kha chuan, heng lai velah hian khua pawh lo awm tawh ni a sawi a niin, kum 1910 velah khan an rauhsan tawh ni-a sawi a ni.

Kum lama upa zawk te sawi danin Saza Tlâng tih phuah a nih chhan hi, hmanlai hunah he hmunah hian Saza hnam an awm thin vang a ni tih leh Saza a tam em vang a ni tih te a ni a, a dik zawk erawh sawi mai theih a ni lo. Tin, he Saza Tlâng Mû Ngek hian inzawmna thuk tak nei-a sawi a ni bawk.

Saza tlâng pûkah hian ramsa mai bakah Mu chi khat 'Mû Ngek' an tih hi awm bawkin, vawiin thleng pawhin a la awm a, an hram dan hi naute tap ngek âng deuh niin an hria a, vawkte ngek thet thet pawh a âng viau in an hre bawk thin. Hetiang Mû Ngek hi Mizoram hmun danga a awm ve hriat a ni lo a, Saza Tlânga, Mû Ngek erawh hi chuan chanchin pawh a ngah viau ni-a sawi a ni. Tihhlum theih loh âng hiala sawi a niin, nupa chauhvawm ni-a hriat a ni bawk a, tun hma lam te kha chuan Pasaltha te pawh hian an kap thla ngeia an hriat pawh hian, an zawng hmu

zo ngai reng reng lo a, a kapu te lah chu an kahna âng takah hian an taksa chu a na em em thin ni-a sawi a ni.

Tichuan, Saza tlângah hian chung Mû Ngekte chuan pûk an nei a, an pûk chu sapui bawh theihna khawpa lian hi nia sawi a niin, an nupa chauh hian vawiin thlenga la awma ngaih a ni bawk. Mû Ngek pûk bakah hian, he tlâng tlak lamah hian pûk pakhat awm in,

chu pûkah
c h u a n
m i h r i n g
ruhro tam
tak a awm a,
chung ruhro
te chu engtia
awm nge tih
erawh tuma
hriat rual a ni
lo. Thlan
atan an
hmang nge,

he pûkah hian a huhovin an tawm anga, an boral zui ta ni ang tih pawh hriat rual a ni lo.

Hetianga pûka ruhro awmte hi kum 1971 daih tawh ah khan Pu V. Lalrinawma, Lunglei College Veng chuan a lo hmu tawh a, kum 1975 khan tlawh leh a niin, kum 2008 April ni 3 ah khan Monoliths & Landmark Committee chuan an lo tlawh tawh bawkin, hrui zen hmanga 60 fts vel uai thlak ngai a ni a, ruhrote hi a la awm ngei an tiin, Pûk len zawng hi 45 fts vela sei leh 15 fts vela zau nia ngaih a ni bawk.

He pûk hi humhalh a tul hle a, humhalh loh chuan heng ruhrote hi an la darh ang a, hmuh tur a awm lo mai ang tih pawh hlauhawm tak a ni. Chuvang chuan a rang thei ang bera humhalh tura hmalak ni thei sela, ruhrote hi lak bo theih loh tur thir a hung pawh a tul tak zet.



D-67, MILLENNIUM CENTRE
Ph: 8974773566

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lahlupaia, Hmingthanzuala, Vanlalrinkima, R. Zodingsanga, Zothankhuma, Lalrinchhana, K. Lalmuanpuia



DAMLO

- Jared Lalruatfela s/o John F. Lalrinsanga, N-Sec. chu LRM Hos-
pital-ah enkawl mek a ni.
- Nl. Lalthanzami d/o Tlangtin-
thuama (L), C-Sec. chu taksa chak
loh vangin in lamah enkawl mek a
ni.
- Pi Malsawmdawngliani w/o K.
Vanlalhruaia C-Sec. chu accident
vangin in lamah enkawl mek a ni.
- Angela K. Laldusaki c/o Pu
K. Vanlalhruaia, C-Sec. chu tun
kar khan Synod Hospital,
Durtlangah a hnara chawr awm zai
a ni a, in lama inenkawl chhunzawm
turin a lo chhuak.
- Pu Lalawmpuia s/o Pi
Chhuanpari, S-Sec. chu pumna
avang in ZMC & H-ah enkawl
mek a ni.
- Pu Andy Lalrinawma h/o Baby
Zothankhumi Khiangte, V-Sec. chu
natna hrang hrang avangin Synod
Hospital, Durtlang ah enkawl mek
a ni.
- Pi Thangtuali W/o R. Thang-
mawia (L), V-Sec. Durtlang Hos-
pital a awm chu in lam a in enkawl
chhunzawm turin a chhuak.
- Pu Joseph Lalhmingliana,
Branch Asst. Secretary nu, Pi
Zoliani chu Ebenezer Hospital-ah
enkawl mek a ni.
- Zorinmuana s/o Lalmuanawma,
S-Sec. chu Ebenezer Hospital-ah zai
a ni.
- Pi Lalnunthari Tlau w/o HC
Lalrinchhana (L), V-Sec. chu
Ebenezer Hospital ah enkawl mek
a, ziaawm lam a pan thei meuh lo.
- Rev. C. Biakmawia T-Sec.
inentir a Kolkata-a tanga an lo haw
hnu in Synod Hospital, Durtlangah
dah luh leh nghal a ni.



CENTRAL YMA THU

- Ni 22.5.2025 khan Confed-
eration of Indian Industry (CII)
bultumin Aijal Club-ah **State Level
Workshop on Income Tax Return
(ITC) & Goods & Service Tax
(GST)** neih a ni a, YMA lam aiawhin
Pu M.S. Ralte Fin. Secretary a tel.
- Ni 23.5.2025 khan Central
YMA Committee Room-ah Cen-
tral YMA OB, Central YMA
hnuiaia Health & Sanitation Sub-
Committee leh Mizoram State
AIDS Control Society (MSACS)
hotu ten HIV/AIDS darh zel tur
venna chungchanga inrawn
khawmna hun an hman.

LEI PIAH LAMAH



Zakhawli K-77, w/o

H. Lalhmingthanga
(L), K-Sec. chu ni
17.5.2025 (Inrinni)
dar 4:45 PM khan a
boral a, a tuk ni
18.5.2025 (Pathianni)
chhun dar 12:00 khan
Ramhlun North, Zemabawk thlanmuala
vuiliam a ni.



Lusun khawhar chhungte thlamuantu
Pathianin vengin awmpui zel rawh se.



ZIN & HAW

- Pu K.C. Lalramluahpuia, T-Sec. leh Tv.
Lalawmpuia, C-Sec. ECM te chu hna
pawimawh avangin Champhaiah an kal.
- Nl. Lallawmzuali Ralte, ECM dam lo
hruaia Kolkata-a zin chu a lo haw leh ta.
- Pu Jonathan C. Lalrintluanga, N-Sec.
Asst. Leader, inentira Kolkata-a zin chu a
lo haw leh ta.
- Pu Tlangtimawia Zote kan President
hlui, thil pawimawh buaipuia Shillong-a zin
chu a lo haw leh ta.
- Pu Lalfamkima kan President
hlui, Vellore-a mit zai tir chu tluang tak in a
lo haw leh ta.
- Tv R. Lalrindika leh Nl. R. Lalramsiami,
T-sec te unau Kolkata a in entir a kal chu
an lo haw leh ta.
- Pu LH. Thanga te chhungkua leh a nau
te Pi Zosangliani leh Nl. Zothangliani, V-
Sec. te chu inentir turin New Delhi-ah an
zin.
- Nl. Lalruatfeli d/o F. Lalthangluaia, T-
Sec. chu a zirna hmun Kolkata atangin
chawlh hmanin a lo haw.
- Tv. Rothangmawia s/o Lalrawna, V-
Sec. chhungkaw thila Thingfala zin chu a lo
haw leh ta.
- Pu Lalhmunsiamia Varte, C-Sec. radia-
tion la tura kolkata-a kal chu inenkawl
chhunzawm turin a lo haw leh ta.
- Tv. Lalhminghsanga leh Nl. Laldinpuii,
Pu T. Lalnundika, T-Sec. fate Delhi a awm
chu chawlh hmanin an lo haw.
- Rev. R. Ramnghinglova te nupa, N-
Sec, Vellore a in entir a kal chu an lo haw
leh ta.
- Pu Zohmangaiha, S-Sec. chu Guwahati
ah Office thil pawimawhah a zin.
- Pu Huanhmingthanga, S-Sec. Commit-
tee Member chu hna thilah Thenzawlah
training thla thum course hman zo tawhin
a lo haw leh ta.
- Pu Zonunsanga Ralte, S-Sec. chu hna
thilah Thenzawlah thla thum chhung training
hman zovin a lo haw leh ta.
- Tv. Lalchhuanawma , T-Sec. a kan
MARYMA agent Guwahati-a inentira zin
chu a lo haw leh ta.



KEIMAHNI

- Naktuk Pathianni tlai dar 3:00 hian
MARYMA Editorial Board te MARYMA
Room-ah kim taka inhmukkhawm tur a ni e.
Pass lawm tur in report hun hi ni Ni
26.05.2025 (Thawhtanni) tlai dar 5:00 thleng a ni
e. Print tir a ngaih tawh dawn avangin hemi hnu
lam hi chu a remchang dawn tawh lo a ni.



THILDANG

- **Ruangchhuak :** Lalromawia, Kum 67 chu ni
19.05.2025 (Thawhtanni) khan Civil Hospital,
Aizawlah a borol a, a ruang hi an khua Sihfa lam
panpui nghal a ni. Ruang latu hi Pu Johan
Lalnunpuia, N-Sec. a ni.
- **Insawn :** Pu Lianhmingthanga te chhungkua
chu Pu Lalduhawma Hauhnar, V-Sec. in a tanging
Pu R. Sangkhama, V-Sec. inah an in sawn.



JAC

- Tlaklui bul velah thenawm khawveng atana
hnawksak khawpa bengchheng siama zan rei tak
tak thleng thukhawm thin kan awm a. Sim hmak
turin kan inhriattir e. Harsatna kan siam leh a nih
chuan thuneitute hnenah kan thlen tawh ang.
- Tunlai hian rukruk a hluar hle a, vengchhung
hmun lailiah pawh an che ngam zel mai. Chhung
tin te fimkhur thar ang u. Pawn light on tlaivar turin
kan inngen nawn leh a ni e. Tukinah pawh RSC
field bul Matluangi dawr rawk an tum a, an
hlawhchham hlauh.



LOCAL COUNCIL

- **Local Traffic Managment:** Veng chhung
mipui te, Local Traffic thu kan zawm that avangin
lawmthu kan sawi a. Chutih rual chuan la zawm lo
kan la awm leh zeuh thin. Harsatna kan neih chuan
min bialtu group hruaitute hnenah thlen thin ni se.
Tin, in leng motor keng kan neia, an leng rei deuh
dawn a nih chuan kan group hruaitute hnenah thlen
thin tur a ni e.



LAWMAWM

- Pi Lalenpuui d/o K. Lalchhuana (L) C-Sec.
chu Administrative Officer (Judicial) Guwahati
High Gourt, Aizawl Bench Aizawl ah a kaisang.
- Nl. Lalrinliani d/o H. Lalruatlana, C-Sec. chu
Indian Institute of Management (IIM), Indore
Madhya Pradesh-ah MBA zir turin a in ziaak tling.
- Pu B. Zakamlova leh Pi Romawii, V-Sec. te
chuan an inneih kum 75-na (Platinum Jubilee) ni
24.5.25 hian an lawm.

ZO OPTICAL

Ramhlun North (Industry peng Traffic Point bul)
Pi C. Lalrinsangi Building

May-June thla chhung 20% thleng dis-
count a awm dawn a, MUP member leh Vohbik
te tan 20% + 5% discount a awm mek bawk e.
B.Sc, M.Sc Optometry zir chhuak
thiam takin an thut chilh reng bawk a, a thlawn
in mit a check tir theih reng bawk e.

Contact : Ph-8414007366

ARTICLE

Hlemhletna laka fihlim

- James Lalnunzira

Hlemhletna /eirukna kan sawi apianga sawi lan loh theih loh chu sumdawng sum thianghlim lo hmanga inchhek mi lian te hi an ni. Hausak hrim hrim hi sual a ni hauh lo. Kan hman thiam phei chuan mi dang tanpuina tangkai tak a ni thei ang. Tam tak chuan he khawvela kan dinhmun hi kan thlir nasa lutuk a. Mahse, ngaihtuah chiang ang u. Thufing pakhatah chuan "mi tihchhiat i duh chuan a mamawh aia tam pawisa pe rawh" tih a awm a. He khawvela kan duh ber mai hi kan chhiatpui thei hle dawn a lo ni. Nu pakhat chuan a fapa a sun a, a tah hla chu, kan retheih lai kha ka va ngai em a ti. Retheih avanga tap nge tam ang hausak thut sawh khawk avanga lungngai? Ngaihtuah tham tak a ni.

Mizorama addict center hrang hranga an sawi fo chu retheih luat avanga ruihhlo khawih aiin mi lian fa, duat sual an tam ber e an ti. A dik pawhin a rinawm. He khawvel a kan um ber hi kan hre lo fo a, kan thil um hian min han thing let tak tak chu thlan thleng rawkin a ni fo zel a nih hi. I in ngaihtuah chiang teh ang. Mi anga kan ngah ve lo te hi kan la dam chhan hi a ni mai thei asin. Min hrechiang bertu hian kan mamawh tawk zelin min vur a ni tih hi i pawm ngam ang u.

KL Liana'n, eiru te hi awt suh u. Pathian hian a hman ral tirna a hre lutuk, cancer leh natna hlauhawm dang hmang ten a rul let fo asin, a lo tih te hian min ti harh rawh se. Thenkhat hi chuan dik taka sumdawng, sorkar hnathawk mahni hlawh chauh lo chu la duh lo te hi a, mawl hi kan ti em em reng a. Sawi mawina kan zawnga eirukna a ni lo, hengte chu bonus ti a sawi mam thiamte hi fing kan ti hle. He khawvela a kan tihte hi mi fing-ah chhiar an la ni dawn a, he khawvela fing lutuk te hi, Vanah an la mangang dawn khawp.

Politician Pu J. Lalsangzuala (L) chanchin Rev. Vanlalzuala'n a sawi te hi a ropui teh e. ATC Mission Vengthlanga a awm lai khan, Pu Sangzuala dawrah chuan zirlaiin thil kan lei thin a. Thil inang reng khan man inang lo a nei thin a ti. Kha kha chu a man tlawm laia kan lak a nia, a tlawmin a la lei theih a ti thlap zel a ni awm e. Eng emaw a van dawn avanga ti to hluai thin te hian ngaisang ila, i entawn ngam ang u.

Rev. Rokhuma kha rawngbawltu a nihna piah lamah mi dik a nihna kha a langsar hle. Synod Hospital-a a awm laiin a thawpui Synod puipa thenkhat khan an han tlawh a, office hour a ni si a. Chawlh inla vek ang chu maw? A lo ti a ni awm a, sum chauh ni lo, hun ei ruk pawh a duh lo tihna a ni. A mimal thila a chhuah dawn reng rengin a motor dawn a hmang ngai lo a, thenkhat sawi dan phei chuan a nupui pawh a huam tel lo che a ti a, city bus-ah rawn kal rawh a ti fo a ni awm e.

He khawvelah hian kan hlauthawng a, sum leh pai hi security tha berah kan ngai a. Awm hlei lo beiseiin thil dik lo hmangin kan in dap chawp a, kan thla a muang a nih chuan kan hmabak a thim hle ang. Kan security chu kan sum leh ro hlu neih lam ni lovin mi anga min siamtu Van Pathian leh a malsawmna kan dawn zozai hi ni zawk rawh se.

Politics chungchang te, chhungkaw chungchang te kan ngaihtuahin mi tam tak chuan hmasawmna, nun awlsamna leh hausakna ringawt hi a hlu ber emaw kan ti fo. Kan fate chu ngaihtuahawm lo, eizawmna tha pangngai tak nei thei, in leh lo pangngai taka cheng theia kan chher chhuah chuan kan lungawi deuh mai fo a, kan ram pawh hian hmasawn se, tangkate hi tam se, harsa lo takin awm ila, nun hi awlsam se la tih bak kan ngaihtuah tehchiam lo a ang fo thin. Kan khawsak phung ringawt hian kan ngaihtuahna a luah nasa telh telh a; nimahsela, Aizawla in leh lo tha nei tam tak hi sum leh paiah chuan thlaphang lo mah se, an nun erawh chu a tla bal ve nasa hle tih a lang reng mai si. Ram leh hnam humhalh hi a pawimawh a, "Mihring humhalh" erawh a pawimawh ber.

Tunah pawh hian he ram hmasawmna tak tak atana pawimawh chu neih belh niin a lang lo. A awm sa hman dik, hman that , hman daihzai, rilru dik leh thahnem ngaihna tak zet nena hman a ni zawk. "Aw Timothe, i hnena kawl tira awm chu vawng tha rawh" (I Tim 6:20) tih hi kan thinlungah lo ri nawn leh rawh se. Kan neih sa pawh kan hman dik loh chuan, a aia tam phei chu neih belh ila kan chhe thuk hle ang tih a chiang reng mai si.

Hnu fual mah ila, rethei mah ila, thil hi a nih tur ang hi ni se a fel mai. Pathian malsawmna kan dawn theuh hi chhiar thiam i zir ang u.

ADVERTISEMENT

KC TUI

(10-3)

Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462

SP TUI

(5-2)

Tui hna thianghlim, ei leh in tlak, litre 2000 pickup trip kan pe thei e.
Mobile: 9615789047/8730960917

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140350 (5-3)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate inbiak remna. Registration: MRS 542
Contact: 9862476439 / 9436199884 (10-1)

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 8119969364

REM REM ENTERPRISE

Agriculture bungrua leh Thlai enkawlna chikim kan nei e. Thlai chi, Hlo tur, thlai vitamin, Sazu manna chi hrang hrang, khumfa hlo kan nei kim e. Pangpar khawina Floral Foam leh Pot pawh kan kawl tel e. (4-1)

Servamus Plaza, Ramhlun North Contact:9089198436

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e

Contact - 9862344971 Bawngkawn South (20-1)

PUBLIC HIGHER SECONDARY SCHOOL
RAMHLUN VENGLAI : AIZAWL
ADMISSION FOR CLASS-XI (ARTS)
Open from 29th April.
Time 10:00 a.m – 2:00 pm
QUALITY CLASSES FOR STUDENTS
OUR FEATURES
Subject offered : Political Science, History, Economics, Education, Geography
Contact : 9862598857/ 9436782551
8014529834

DL90

DLIGHT90

24x7 Discount

Unit of MSR Business

Engkim DISCOUNT reng na hmun!

DLight90- 24x7 Discount, brand lar leh tha zawrhna - choka bungrua, electronics (Tv, Speaker, Earphone etc), Electric Bungrua, Hardware Tools, Sports, Toys etc, engtik lai pawha DISCOUNT na, min rawn dawr ve rawh le.

Add: MSR Market, Zarkawt,PWD Tlang
Ph:6009316424

Add: Dawrpui Vengthar, Near Aizawl West College
Ph:9863750966

Add: J Thankima Estate Bawngkawn,Opp Vishal Mart
Ph:9366525778